



UNIVERSITÄTS-  
BIBLIOTHEK  
PADERBORN

# **Notitia Congregationum Et Tribunalium Curiae Romanæ**

**Plettenberg, Hunold**

**Hildesii, 1693**

Cap. XX. De Congregatione Jurisdictionis, & Immunitatis Ecclesiasticæ.

---

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

12. Literæ & Decreta hujus Congregationis, quæ magna diligentia asservantur in Archivio Apostolico, scribuntur & subscribuntur à Secretario, ac manu Sigilloque Cardinalis Præfetti roborantur, sine quibus inscriptionibus & Sigillo expeditiones authenticæ non habentur, ideoque extra Curiam nil deferendum est attestationibus resolutionum, seu declarationum hac duplici subscriptione & Sigillo carentium. In Curia vero, cum facile veritas ex Registris, quæ in Archivio Apostolico asservantur, haberi possit, istæ solennitates subscriptionis non requiruntur. De Luca disc. 16, Rel. Rom. Cur. n. 2.

## CAPUT XX.

## De S. Congregatione Jurisdictionis, &amp; Immunitatis Ecclesiasticæ.

1. Cur & à quo instituta sit.
2. Quod sit munus hujus Congregationis.
3. Qui constituent hanc Congregationem.
4. Ubi & quando habeatur.

5. Quo

7. Quo stylo procedatur in ea.

6. Cognoscit causas privativè.

I.

**C**UM frequenter in diversis casibus exceptis delinquentes non gaudeant immunitate Ecclesiasticâ, si perpetrato delicto ad eam tanquam Asylum confugiant, atque etiam ob diversitatem & commixtionem actionum, factique mutatam qualitatem, ac diversas singulorum casuum circumstantias, dubia sæpe numero, de quibus non facile certum ferri potest, judicium, gravissimæ cum sæcularibus controversiæ ortæ sint, & hodie dum oriantur, instituta est hæc Congregatio ab Urbano VIII. incertum an vivæ vocis oraculo, an per literas in formam Brevis, an per Decretum Consistoriale; an demum per Constitutionem aliquam, quæ in Bullario non comprehendatur.

2. Munus ergo hujus Congregationis proprium ac præcipuum est, protegere ac defendere jurisdictionem, & Immunitatem Ecclesiasticam tam personalem, quam localem & realem, ne hæc violetur, aut illa usurpetur à Magistratibus

bus

bus vel Comunitatibus sæcularibus, neve à Gabellarum aliorumque onerum localium exactoribus gravetur. In his verò Juribus & Immunitatibus tuendis, ut refert Cardinalis de Luca *disc. 17. Relat. Rom. Cur. & disc. 3. num. 1. Miscell. Eccles.* Peccatum est sæpius in modo ex indiscreto & aspero zelo quorumdam Officialium, & eorum, qui sub principium huic Congregationi præfuerunt. Ideoque putat in citato *disc. 3. melius*, & cum majori Immunitatis conservatione ac emolumento res eò pertinentes sine strepitu per S. Congregationem Episcoporum, & Regularium negotiis præpositam tractatas esse.

3. Constituunt hanc Congregationem Cardinales & Prælati plerumque ex Rotæ & Camera auditoribus eo numero, qui determinatus fuerit à Pontifice; Quatuor tamen ex iis videntur stabiles, nimirum Secretarius, qui ut plurimum est Referendarius aliquis utriusque signaturæ, unus ex Auditoribus Rotæ, unus ex Clericis Camera & Advocatus Fisci. Horum Prælatorum præcipuum est officium instruere ac referre summam causas, prout faciunt in Curiâ qui Ponentes dicuntur, cum negotiorum  
ac

ac Processuum acta quæ ad hanc Congregationem spectant, magnis sæpe voluminibus ab ordinariis aliisque per Orbem dispersis Judicibus transmitti soleant.

4. Congregatio ista bis in Mense Feria tertia celebratur in Palatio Pontificio, nisi alia negotia requirant. Præsidet illi Cardinalis aliquis, qui Præfectus Congregationis dicitur, & Sigillum aservat, percipitque quotannis ex Camera Apostolica mille Scuta. *Lunadoro.*

5. Cæterum omnia, ut in aliis Congregationibus, gratis hic expediuntur. Proceditur quoque in formâ extrajudiciali sine processibus; Sed scribuntur Epistolæ familiares ad Ordinarios, vel Nuntios Apostolicos, aliosve Prælatos Ecclesiasticos, quos negotium concernit pro informatione controversiæ capiendâ, & executione Decretorum ac resolutionum suarum faciendâ.

6. Cognoscit vero Congregatio hæc de causis Jurisdictionis, & Immunitatis Ecclesiasticæ privativè, Ideoque per ejus Decreta à Summis Pontificibus comprobata, inhibitum est Metropolitanis ac Nuntiis, aliisque Judicibus appellationis, vel recursuum ab Ordinariis locorum

corum

corum, ne inhibitiones concedant, vel impedimenta præstent. *De Luca Relat. Rom. Disc. 17.*

## CAPUT XXI.

## De Congregatione Rituum.

1. *A quo erecta; Est duplex.*
2. *Ordinaria & Extraordinaria. Ad primam qui veniant.*
3. 4. & 5. *Quid in illa tractetur.*
6. *Quæ contentiosa ad illam referantur.*
7. *Quomodo res in ea tractentur.*
8. *Ad extraordinariam qui veniant.*
9. *Quomodo res in ea tractentur.*
10. *Quæ præmittantur Canonizationi.*
11. *Decisiones hujus Congregationis nil probant nisi in authentica forma exhibeantur.*

I.

**C**ongregatio pro Sacris Ritibus, & Cæremoniis, cæterisque rebus ad Divinum cultum pertinentibus erecta fuit à Sixto V. *Constit. 74.* quæ incipit: *Immensa*, videtur esse duplex, ut colligitur ex diversis membris, seu Prælati, qui